

Inatsisartut suleriaasianni § 37 naapertorlugu matumuuna imaattunik apeqquteqaatinik Naalackersuisunut saqqummiussivunga:

Apeqqutit:

1. Aqqaneq marlunnik ukiullit aallaaniarsinnaanermut allagartalersinnaanerata sunarpiaq tunngavigaa?
2. Inatsisip qulaani apeqqutigisama allanngortinnissaanut iliuusissamik nutaamik Naalackersuisut pilersaaruteqanngillat?
3. Sulisartut saniatigooralugu piniartut qanigisaminnit aqqaneq marluleereersimasunik piniagassanik angisuunik qinnuteqartitsisarnerat immikkut qanoq iliuseqarfiginissaannut Naalackersuisut piomassuseqarpat?
  - Taamaassimappat: Qanoq aaqqissusseqqinnissaq pilersaarutaava?
  - Taamaangippat: Suna tunngaviulluni allanngortikkumaneqanngila?
4. Piniartunngorusullutik allagartartaarusuttut sumiiffiminni Piniartut Peqatigiiffeqanngittumi qanoq iliorlutik kimullu saaffiginnillutik atsiortitsisinnaappat?
5. Angallateqaratik piniarnermut allagartartaartinneqartartut sunarpiaq tunngavigalugu akuersissummik tunineqartarpat?  
(Inatsisartuni Ilaasortaq Laura Táunâjik, Siumut)

Tunngavilersuut:

Inuussutissarsiutigalugu piniartut namminneq iluanaarutissaraluartik imaluunniit pisassaralutik sulisartut qanigisaasa aqqaneq marluleereersimasut pisassanik akuerisaasarnermikkut annaasarpaat. Tamanna ilumini naapertuutinngilluinnarpoq.

Inuussutissarsiutigalugu piniartut tapersersorteqanngikaangamik aningaasatigut iluanaarutigisinnaasaat naammaqqajannngillat. Ullutsinni orsussaq piniutillu pisariaqartitat piniartuinnarmut akisoqaat. Iluanaarutaasinnaasut tamaasa iluatigimmassuk tamanna ippigineqarsinnaanngilaq.

Sulisartut qanigisami pisasaanik qinnuteqarneratigut akuersissummik tunineqaraangamik annermik toqqaanaq allaqqasoqanngikkaluaq sulisartoq piniartumiit iluanaarnerusarnera ullutsinni tusarsaalersimaqaaq. Tamanna ajuusaarnarpoq. Angallatit mikinerit angallatinut anginernut unammillersinnaaneq ajorput.

Maluginiagassaavorlu pisassamik qinnuteqartoq angallateqanngikkaluaruniluunniit akuerisaagaangami annermik pissarsiassat annerit angallatillip pissarsiarisarmagit. Taamaattumik akuersissutinik agguaariaaseq ilaatigut putusiorneqapallattarpoq inuussutissarsiutigalugu piniartuq toqqaannanngikkaluamik ajorsartinneqartarluni.

Kalaallit piniarneq ukiorpassuarni inuussutissarsiutigisimasaat ullumikkut immikkut tapertaqanngikkaanni akilersinnaassusia annikilliartorpoq. Taamaattumik immikkut eqqumaffigineqarnissaat Naalackersuinikkut aamma eqqumaffigineqartariaqavikkaluarpoq.

Kissaatigaara apeqqutima ullut suliffiusut iluanni akineqarnissaat.